

## Kalaallit Nunaanni Suliffigissaasut suleriaasissaat pillugu nalunaarut

Sullivinnik Nakkutilliisoqarfiup nalunaarutaa nr. 799, 14. juni 2023-meersoq

Kalaallit Nunaanni sullivinni avatangiisit pillugit inatsimmi § 50, imm. 4, aamma § 56 malillugit, tak. inatsimmik nalunaarut nr. 1048, 26. oktober 2005-imeersoq, inatsisikkut nr. 724, 13. juni 2023-meersumi allangortinneqartumi, piginnaatitsisoqareernikkut aalajangersarneqarput:

### *Siunertarisat suliassallu*

§ 1. Kalaallit Nunaanni Suliffigissaasut siunertaat tassaavoq suliffeqartitsinermi illuatungeriinnut oqaasissaqataannissaq suliffimmi timikkut tarnikkullu isumannaatsunik peqqinnartunillu avatangiiseqarnissaq pillugu suliniuteqarnerni.

§ 2. Suliffigissaasut makkuninnga suliassaqaassapput:

- 1) Suliffigissaasut peqataaffigissavaat apeqqutinut sullivimmi avatangiisinut tunngasunut ilisimasaqarnerulersitsinissaq.
- 2) Suliffigissaasut namminneq suliniuteqarnermikkut oqallisigisassavaat apeqqutit sullivinni avatangiisinut pingaaruteqartutut isumaqarfigisatik, tamakkulu pillugit oqaaseqaateqartassapput suliffeqartitsinermut ministerimut, Naalackersuisunut aamma Sullivinnik Nakkutilliisoqarfimmut.
- 3) Suliffigissaasut inatsisit allannguutissaat malittarisassallu nutaat pillugit ammasuliassat ataasiakkaat suliffeqartitsinermut ministerip, Naalackersuisut imaluunniit Sullivinnik Nakkutilliisoqarfiup suliffigissaasunut saqqummiussaata pillugit oqaaseqaateqarlutillu siunnersuuteqartassapput.
- 4) Kalaallit Nunaanni sullivinni avatangiisit pillugit inatsimmi § 64 malillugu maalaarutit aalajangiiffigineqalersinnagit siunnersuisoqatigiit oqaaseqaateqartinniarneqartassapput.
- 5) Suliffeqarfiup isumannaallisaanermut- aamma peqqissuunissamut sulinera Suliffigissaasut malittarisassavaat aamma isumannaallisaaneq pillugu suleqatigiisitat sulinerat aamma suliniutaat nukittorsassavaat aammalu pitsaanerulersinniassallugu suliffimmi avatangiisit pillugit ilinniartitsineq ilanngullugu.

### *Inuttalersugaanerat*

§ 3. Suliffigissaasut inuttarissavaat siulittaasoq, Naalackersuisunit suliffeqartitsinermi illuatungeriit oqaaseqartereerlugit toqqagaq, aamma ilaasortat allat makkuusut:

- 1) Ilaasortat marluk Sulinermik Inuussutissarsiuteqartut Kattuffiannit (SIK) toqqakkat,
- 2) Ilaasortaq ataaseq Perorsaasut Ilinniarsimasut Peqatigiiffiannit (NPK), Peqqissaasut Kattuffiannit (PK) aamma Ilinniartitsisut Kattuffiannit (IMAK) peqatigiilluni toqqagaq,
- 3) Ilaasortaq ataaseq Atorfillit (tjenestemandit) Kattuffiannit (AK) aamma Kalaallit Nunaanni Ilinniagaqqortuut Kattuffiannit (ASG) peqatigiilluni toqqagaq,

- 4) Ilaasortaq ataaseq Kalaallit Nunaanni Sulisunik Siulersuisut Kattuffiannit (SSK) toqqagaq,
- 5) Ilaasortaq ataaseq Sulisitsisunit (GE) toqqagaq,
- 6) Ilaasortaq ataaseq Kalaallit Nunaanni kommunit ataatsimoorlutik toqqagaat.
- 7) Ilaasortaq ataaseq Kalaallit Nunaanni Naalakkersuisunit Aningaasanut Ministereqarfik isumasioqatigalugu toqqagaq.

*Imm. 2.* Suliniaqatigiifiit sinniisumut ataatsimut, sinniisussamik ataatsimik toqqaassapput.

§ 4. Siulittaasoq ilaasortallu allat taakkualu sinniisussaak ukiunut sisamakkaartunut toqqarneqartassapput toqqaqinneeqarsinnaappullu. Piffissap toqqagaaffiup ingerlanerani toqqaasoqassappat toqqagaaneq piffissap naanissaata tungaannaanut atuutissaaq.

*Imm. 2.* Suliffigissaasut ilaasortamik akornannit siulittaasup sinniisussaanik qinersissapput. Siniisussaak siulittaasup qimagusimanerani aamma siulittaasussamik toqqaasoqartinnagu siulittaasutut atuutissaaq.

§ 5. Teknikikkut nakorsatullu paasisimasallit Suliffigissaasut ataatsimiinnerini pisariaqartitsineq malillugu taaseqataasinnaanatik peqataasarsinnaapput.

§ 6. Suliffigissaasut ataatsimiinnerini sinniisumik peqataatitsisarsinnaapput taasisinnaatitaanngitsumik siunnersuisoqatigiinnullu allatseqarfiussapput.

Ataatsimiititaliat

§ 7. Suliffigissaasut ataavartussamik ataatsimiititaliorsinnaapput, aamma suliat pillugit ataatsimiititalianik, ilanngullugit malittarisassioqartussatut ataatsimiititaliat. Suliffigissaasut ataatsimiititaliani taakkunanni ilaasortassamik aamma namminneq ilaasortarisamik avataaniittunik toqqaasinnaapput.

*Imm. 2.* Ataatsimiititaliat taakku naleqquttumik inuttalersugaassapput. Suliffigissaasut pisariaqassappat immikkut paasisimasalinnik ataatsimiititaliani suleqataasussamik immikkut aggersaasarsinnaapput.

*Imm. 3.* Ataavartussatut ataatsimiititaliani aamma suliatigut ataatsimiititaliani ataasiakkaani siulittaasussat siunnersuisoqatigiit siulittaasuannit toqqarneqartassapput, suliffigissaasut allatut aalajangiissanngippata.

*Imm. 4.* Ataatsimiititaliat suliasani saqqummiunneqartuni suliffigissaasunut inassuteqaateqartassapput. Suliffigissaasut siulittaasuat tamatumunnga piffissarititassamik aalajangersaasinnaavoq.

#### *Suleriaasissaq ataatsimiittarnissallu*

§ 8. Suliffigissaasuni nalinginnaasumik ataatsimiittoqartassaaq ukiumut pingasoriarluni tamatumalu saniatigut siulittaasup aalajangiinera malillugu.

§ 9. Suliffigissaasut allatseqarfiat kingusinnerpaamik ataatsimiinnissaq ullunik suliffiusunik qulinik sioqqullugu ataatsimiigaaqqusissummik ullormut oqaluuserisassat allasimaffiannik ilalimmik

atortussanillu suliffigissaasuni suliarinninnissamut pisariaqarsorinartunik nassitsisassaaq.

*Imm. 2.* Ataatsimiinnermi oqaluuserisassanut ilassutaajunnartut nassiunneqartassapput kingusinnerpaamik ataatsimiinnissaq ullunik suliffiusunik tallimanik sioqqullugu. Ilaasortat tamarmik oqaluuserisassat ilassutaanni suliaassamik ilanngussisitsisinnaapput, soorlulu ilaasortat tamarmik suliaassamik oqaluuserisassanut ilassutini ilanngussamik kinguartitsigallarsinnaallutik.

**§ 10.** Siulittaasup ataatsimiinnerit siulersussavai. Siulittaasooq najuutinnigippat sinniisussaa ataatsimiinnernik siulersuisassaaq.

*Imm. 2.* Isumaqatigiinniarnerni ilaasortat aamma § 3, imm. 1, § 5 aamma § 6 malillugit sinniisuutit tamarmik piginnaatitaassapput oqaaseqartarnissamut aamma suliaassamik kinguartitsigallarnissamut. Suliaassap kinguartitap naammassillugu suliarinissaanut Siulittaasooq piffissaliisinaavoq.

*Imm. 3.* Suliffigissaasut immikkut paasisimasalinnut nalunaarusiortitsiniaasinnaapput aamma suliaminnut atugassatut misissuisitsilersinnaallutik.

**§ 11.** Suliffigissaasut aalajangiisinnaassuseqassapput suliffigissaasuni ilaasortat taakkualuunniit sinniisussaasa ikinnerpaamik affaat najuuppata.

*Imm. 2.* Anguniarneqartassaaq siunnersuisoqatigiit isumaqatigiinnikkut aalajangiinissaat. Isumaqatigiinnginnerni siunnersuisoqatigiit aalajangiisassapput ilaasortani najuuttuni taasinerit amerlanerussuteqarneratigut. Taasinerit amerlaqatigiikkaangata siulittaasup taasineri aalajangiisuusassaaq.

*Imm. 3.* Suliaassani siunnersuisoqatigiit suliffeqartitsinermi ministerimut inassuteqarfigisaanni siunnersuisoqatigiit inassuteqaataanni erseqqissumik allanneqartassapput kattuffiit sorliit ataasiakkaanik inassuteqaateqarnerisut.

*Imm. 4.* Nalornisoortoqartillugu siulittaasup aalajangiiffigissavaa eqqartuussisulersuussisoqassanersoq.

**§ 12.** Siulittaasup qularnaartassavaa Suliffigissaasut inassuteqaataat aalajangiinerilu siunnersuisoqatigiit akuersissutigisaannut naapertuuttuunersut taakkuninngalu suliffigisaasut sinnerlugit atsiuisassaaq. Suliffigissaasut allatseqarfiat suliffigissaasut ataatsimiinnerinik imaqarniluisassaaq.

*Atortuulersitsineq il.il.*

*Nipangiussisussaataaneq*

**§ 13.** Suliffigissaasut ilaasortaat, aalajangeeqataanatik ataasimeeqataasut, allatsi aamma ataatsimiitaliani ilaasortat immikkut paasisimasallit siunnersuisoqatigiit ilaasortarisaasa avataanniittut Kalaallit Nunaanni pinerluttulerinermik inatsimmi §§ 50-54 malillugu nipangiussisussaataapput.

**§ 14.** Nalunaarut atuutilissaaq ulloq 1. juli 2023

*Imm. 2.* Kalaallit Nunaanni sullivinni avatangiisit pillugit siunnersuisoqatigiit suleriaasissaat pillugu nalunaarut nr. 1345, 15. december 2005-imeersoq atorunnaarsinneqarpoq.

Sullivinnik Nakkutilliisoqarfik, ulloq 14. juni 2023.

Sine Frederiksen/Sofie Bisbjerg